

AD LAUDEM ET GLORIAM
D. O. M.

QVÆSTIO
THEOLOGICA,

De Charitate Virtutū omni-
um excellentissima,

In Alma Acad: Crac: Regni Poloniæ Gy-
mnasio Generali,

M. SIGISMUNDO GREGEROWIC,
S. Th. Doctore & Professore, Protonotario Apostolico,
Ecclesiæ S. Nicolai Præposito, Scholastico Mosco-
rouien: Paroch: Paiecinen:



Ad disputandum

P R O L O C O

Inter S. Theologiæ Facultatis Doctores, eiusdemque
Alm: Acad: Crac: Professores obtinendo

P R O P O S I T A.

Anno Domini, 1648. Mense Martio die 10 horâ 14.

In Collegio Maiori, Lect: DD. Theolog.


CRACOVIAE,

In Officina Christophori Schedelij, S. R. M. Typog.

In Arma Illustrissimæ Domus.



Quàm bene conveniunt & in Vna sede morantur
Et Mauortis honos, & Pietatis amor!
Vt robur videas: Gladius ferit ora Bisontis,
Vt pateat pietas: Victima cæsa cadit.
Auguror; æternos Domus hæc florebit in annos,
Quæ Patriæ & Superis officiosa placet.



*Illustrissimo ac Reuerendissimo Principi
& Domino,*

**D. MATTHIÆ
LVBIENSKI,**

Dei & Sedis Apostolicæ Gratiâ


Sacræ Metropolitanæ Ecclesiæ Gnesnensis

ARCHIEPISCOPO,

Legato Nato, Regni Poloniæ Primati

Primoque Principi,

Dño D. Clementiss: & Patrono Colendiss.



*Rudens literati laboris æstimatrix Academia,
Illustrissime PRINCEPS, Domine, Dñe Cle-
mentissime, cum in me fideles annorum circi-
ter quadraginta in statione Academica labores,
emeritorij beneficij ad ædem D. Nicolai Crac:
collatione premiasset: etiam proprio inter Doctores Theologi-
cæ Facultatis loco, me noluit esse destitutum. Non congruebat
nimirum, annis ac laboribus grauata etate, vnico hoc post tot*

ſperata vitæ ſubſidia, ſolatio fruſtrari. Decebat, honorificum
Vniuerſitatis beneficium, in me, à viris in Academia digniſſimis,
agrè me tum à nobiliſſimo Collegij Maioris conſortio dimittenti-
bus, coronari. Qui quidem honeſtæ ambitionis affectus, vt deſi-
derato effectu facilius potiretur, Romam Studiorum Matrem
glorioſam, & virtutum omnium ac Religionis Chriſtianæ Prin-
cipem, anno proximè lapſo viſitauit, ibiq; poſt Beatiſſimorum
Sanctiſſimi Innocentij X. feliciter moderni Supremi in terris
IESU CHRISTI Vicarij pedum oſcula, & liminum Prin-
cipum Apoſtolorum venerationem, optatam in facultate Theo-
logica Laurum à Sapientia Romanæ præſidibus, ſum conſecutus.
Inde verò cum me in proprium, poſt ſuſcepti itineris difficul-
tates, domicilium recepiſſem, nihil amplius reſtare vidi, niſi
vt Queſtionem Theologicam, peruectiſto ac laudabili Maiorum
Academiæ Noſtræ inſtituto, multis alijs in eum finem lucubrati-
onibus & Academicis laboribus præmiſſis, publicæ luci atque
diſputationi exhiberem. Ne ergo concepta Alma Vniuerſita-
tis vota videar ampliùs remorari, accepi præſantiſſimam de
Charitate materiam, velut abſolutum Legis vtriuſq; compendi-
um, quod ad Te, Illuſtriſſime Princeps, iure quodam optimo fe-
ſtinauit. Quem enim Te vno maiorem poterat reperire Patro-
num, quàm eum, in quo præter Maiorum ſuorum natiua, præter
eximiarum Virtutum ac ſapientiæ propria ſimulachra, omnia
prima & ſumma, velut in primo Antiſtite, Primo Primæ ac
Principe, Orbis Sarmaticus veneratur. Accedit, quòd cum be-
nigno ſatis ſinu excipere ſoleas literati laboris ſpecimina, cum
Academiæ noſtram pietatis & ſapientiæ parentem Principe
dignà complectaris beneuolentia, cum me immeritum licet Spiri-
tualibus circa meam Parochialem ornare digneris fauoribus, quid
aliud efficis, niſi vt & Muſæ atque literæ, patrocinium; Acade-
mia, in Contubernij Noſcouiani magnifica prouiſione ſtudium;
ego de.

ego deniq̃, minimus, singularem gratiam Tibi, Princeps Illustris-
sime, in acceptis nos referre gloriemur. His ergo de causis mea
hæc tenuis ad Te properat lucubratio, traditura quod debet, non
petitura, quod non meretur. Suscipe igitur, Princeps Illustris-
sime, hanc debitam meæ Tibi deuotæ mentis testificationem, meq̃
Archidiœcesis Tuae indignum in Ecclesia Paiecinesi Parochum,
Tuâ Pastoralis Benedictione, cum grege mihi à Te commissò prose-
qui, & in hoc certamine Theologico Auctoritate Tuâ protege-
re, fauore erigere, non dedignare. Partium mearum erit,
orare, ut qui Tibi locum hunc in Ecclesia & Repub: Principem
dedit (dedit autem omnium laudandarum rerum auctor & cre-
ator Deus) idem velit vtriusq̃, rei fructum esse, quàm maximè
diuturnum, & æquare vitæ spatium cum ijs bonis, quibus Te
summa cum felicitate Regni cumulauit. Dat: ex Aedib: meis
ad S. Nicolai Crac. A. D. 1648.

Illustrissimæ Celsitud: Vestræ

Indignus coram Deo Exorator,
& Humillimus Cliens

M. Sigismundus Gregerowic,
S. Th. D. ac Professor, Eccle-
sia S. Nicolai Præpositus Crac.

Sanctus Augustinus de laudibus Charitatis.

ILLE TENET, ET QVOD
PATET, ET QVOD LATET
IN DIVINIS ELOQVIIS,
QVI CHARITATEM TE-
NET IN MORIBVS.

Q V Æ S T I O
D E C H A R I T A T E

Ex 2. Secunda Doctoris Angelici.

V. Charitas, quæ est qualitas creata, & vera inter Deum ac hominem amicitia, animæ hominis à Spiritu Sancto ad diligendum super omnia Deum infusa; in appetitu intellectivo tanquam in subiecto residens; per maiorem radicationē augeatur; & quovis actu peccati mortalis amittatur, nec ne?

CONCLUSIO I.

Charitas, quâ Deus diligitur, est qualitas creata in Anima.

COROLLARIA.

I.

Charitas homini infusa est participatio diuina.

II.

Charitas in propria significatione habitum supernaturalem importat.

III.

Homo iustus, ex charitate facile & delectabiliter operatur.

IV.

Charitas, ipsâ animâ, ac alijs rebus creatis est nobilior.

V.

Sicut fides in intellectum, ita Spes & Charitas à gratia in essentia animæ recepta, dimanant.

VI.

Sententia Magistri libr. 1. Sent. dist. 17. docentis. Motum dilectionis Deum propter se, & proximos propter Deum, in nobis non esse ab habitu creato, sine errore sustineri non potest.

CON-

CONCLUSIO II.

Charitas, quâ Deum diligimus, est vera ac perfecta amicitia.

COROLLARIA.

I.

Homines iusti meritò amici Dei nuncupantur.

II.

Ad Charitatem, prout est amicitia, æqualitas rigorosa non requiritur.

III.

Charitas est amicitia in gradu excellentissimo.

IV.

Fides & Spes, ad opera Charitatis antecedenter se habent.

V.

Iusti opera ex Charitate valorem obtinent.

VI.

Inter Deum & homines iustos mutua interuenit dilectio; illius tamen initium à Deo.

CONCLUSIO III.

Charitas est principium dilectionis, quâ Deus super omnia diligitur.

COROLLARIA.

I.

*Dei dilectio super omnia est dilectio maior appeti-
tiuè, non intensuè.*

II.

*Dei dilectio est ratio dilectionis eorum, quæ sunt in-
fra Deum.*

III.

*Inter dilectiones illorum, quæ sunt infra Deum, pri-
or est sui ipsius quoad bona spiritualia.*

IV.

*Dilectio ultimè ad Creaturas terminata, non
est ex Charitate.*

V.

*Dilectio bonorum spiritualium, dilectioni aliorum
Creatura bonorum preponderat.*

VI.

Charitas ordine certo in bona fertur.

CONCLUSIO IV.

*Charitas in appetitu intellectuali est
subiectiuè.*

COROLLARIA.

I.

*Actus Charitatis, à Voluntate, cum subordinatio-
ne ad intellectum, eliciuntur.*

II.

Charitas actuum meritoriorum est principium.

III.

*Charitas supra actus aliarum virtutum imperium
tenet.*

IV.

*Charitas virtutum aliarum forma conuenienter
appellatur.*

V.

*Juxta intensiorem habitus Charitatis premium
meritorum crescit.*

VI.

*Charitas, non modò à fide & spe, sed etiam ab enti-
tate gratiæ distinguitur.*

CONCLUSIO V.

*Augmentum Charitatis per maio-
rem radicationem in voluntate fit.*

COROLLARIA.

I.

Dogma Iouiniani, quem Lutherus & Lutherani sequuntur, omnes iustos esse pares in sanctitate, iustitia, & Charitate, ab Ecclesia merito est condemnatum.

II.

Charitas Viatorum in infinitum augeri potest.

III.

Charitatis augmentum & aliarum virtutum, nimirum iustitiæ, Sanctitatis, non solum per actus fidei, sed etiam per opera virtutum aliarum fit.

IV.

Augmentum Charitatis, non tantum augmento morali, sed etiam augmento physico, in ratione gratiæ crescit.

V.

Radicari formam est nil aliud, quam subiectum magis de potentia in actum reduci.

VI.

Radicatione formæ non destruitur, nec de nouo qualitas aliqua producitur.

CONCLUSIO VI.

Charitas semel habita per unum actum peccati mortalis amittitur.

CO-

COROLLARIA.

I.

Inter Charitatem & peccatum formalis incompatibilitas à natura rei datur.

II.

Quodlibet peccatum mortale Divinae amicitiae contrarium est.

III.

Peccata venialia Charitatis fervorem diminuunt.

IV.

Charitas ex sua ratione, & ex se deficere non potest, iuxta dictum Apostoli. Charitas nunquam excidit.

V.

Charitas patriæ, uniuersam potentiam & capacitatem voluntatis nostræ satiat, ac explet.

VI.

Charitas viæ ex parte subiecti amitti potest.





Permissu,

Magnifici & Admodum Rēdi Dñi,
D. M. IACOBI VITELLII,

S. Th. D. & Profess: Canon: Crac. Theolo-
gicæ Facultatis Decani, Procancell.

Almæ Acad. Crac. ac

R E C T O R I S

Generalis.

Charitas non respicit Me-
um & Tuum , sed quæ
Dei sunt.

S. Gregorius Hom : 5. in Euang.

Charitas non respicit Me-
um & Tuum, sed que
Dei sunt.

2 Gregorius Hom: 2 in Evang.

Matthæi

D. M. IACOBI VITELLI

3. Th. D. & Phil. Cap. Greg. Thoma

2. Th. D. & Phil. Cap. Greg. Thoma

Alma Mater Univ. Græc. ac

R. O. S. I. S.



-XIV. 5. 32